

種痘新書卷之五



五臟面之位圖



心印堂脾靈
左肝右肺腎靈
耳鼻腮先見點

五臟面之位



吉 凶 痘 位 之 圖



坎宮首出定然凶
 艮宮報點三分數
 震位出痘喜匆匆
 巽上見標真是險
 坤為逆症治無功
 惟有兌中真個喜
 順逆分明八卦中

圖之部面痘凶

凡痘凶面痘先出俱能閉毒毋初見急宜去之



兩顴及眼上下先

出吉唇口兩旁出

吉元壽人乍先出

最吉天庭太陽承

漿先出凶惡之上

下二位水火交攻

之處先出必凶初

見以燈烙之可減

二分之痘

面部訣

一看天庭并太陽
二看唇口舌尖方
三看梁上梁下穴
四看喉吻定陰陽
五看諸陽觀氣色
六看週圍八卦方
仔細推尋依法斷
神仙妙道自非常
天庭太陽若明朗
此痘縱變也無妨
二部痘瘡如慘暗
十個孩兒九個亾
喉吻之中怕痘多
再加黑陷死來磨
飲食挫喉難下嚥
七朝端的夢南柯
舌尖一穴統心經
痘瘡紫黑令人驚
再加舌有黑疔見
此兒三口見閻君

論部位

痘瘡初出紅點先察部位可知吉凶蓋人之面部左頰屬軀士

也右額屬肺金也天庭屬心火也地角屬腎水也準頭屬脾土也正額者太陽脉之所會唇頰者陽明脉之所經兩耳後退少陽脉之所過痘爲陽毒故隨陽而先見之于面也但陽明者胃與大腸所經之地故先于口鼻兩傍人中上下腮耳元壽之間先出者吉若太陽者水火交戰之處少陽者水火相併之衝故其位而先見者凶其起漿收靨亦皆如是至于頭乃諸陽聚會之處面爲五臟精華之府咽乃飲食之道路喉爲呼吸之要區胸背爲心肺所居之地此五處最宜稀疏切嫌稠密蓋頭顱多者謂之蒙頭喉頸多者謂之鎖項胸背多者謂之瞞胸覆者是皆險逆之症也大抵蒙頭則視聽廢而陽易絕頸項則飲食艱

而氣易衰。蒙胸覆背則臟易傷而神易失。所以皆爲難治也。他如兩頰兩頤亦要界地清而顆粒明。若成一片如塗酥者此肝熱盛而尅脾肺留毒而內壅。其後必來泄瀉而至喘嗽痰鳴。惟有四肢無碍雖多亦不爲凶。以上諸症若見治之之法要清熱解毒疎通榮衛調和表裏使血活氣行而能宣毒化毒庶無乾枯紫黑之虞。症之重者亦可輕矣。

辨放標不必拘部位

標者初見之點也。部位者臟腑各部之位也。天庭屬心地角屬腎左額屬肝右額屬肺元壽屬于脾胃古謂承漿見點乃腎經出痘爲不可治天庭見點乃心經出痘亦凶惟兩頰及腮準頭

見點最吉此其所以然者蓋痘毒原于相火發于命門理宜由相火以傳君火自君火再傳肝肺與脾毒之輕者其勢必緩循序而出猶源泉之水盈科後進必傳之肝肺始見點也故兩額及鼻見點者吉若毒之盛者一湧而出若決江河不由科坎其毒一發故即見于腎位次即見于心經此其所以爲凶也然毒之盛者多在發熱一二日即出或一齊湧出若熱來和緩至三四日始報點出又甚粗肥則雖報于坎離二宮亦無妨若報太速或隱于皮下瑣屑稠密或一片紅毡雖兩額報點亦爲凶也

五臟見症治法

五臟見症

五臟者肝肺心腎與脾也。痘疹之毒發于五臟故五臟而皆見症。第取其尤者而治之。庶毒不鬱于其臟。其臟乃不傷耳。如肝症甚則用藥宜走肝經。肺症甚則制方宜平肺腑。其餘則兼理之。斯可矣。試舉各經而條陳之。

心屬火。火性上炎而爲陽。故其位居于天庭。方廣之區。痘出而

天庭稠密則心經之毒盛無疑。法當清心而解毒。其麥冬連喬黃連硃砂不可不用。且心爲藏神之舍。而謔語狂言搖頭驚搐皆是心家之症。然虛寔不同。又不可以概論。如初發之時多爲寔熱。屬寔熱者其唇必紅。其舌有苔。目多上視。口必渴飲。此火燥而神昏亂也。必宜清解爲主。然心與小腸相連。

而清心必須利水小便通而心火自降矣故清心之劑又宜
加以車前木通也若灌膿收靨之際或有狂譫驚悸此時定
是心虛治當補血寧心凡歸茸遠來在所必投况心為生
血之源毒又附血而化治者宜觀痘色血熱則涼而活之血
衰則補而溫之又當審機觀變而治也然天庭是為純陽
此處不可先收若滿面未靨而方廣先焦則火烈心灰此症
斷然莫救治之必致無功印堂若見黑點則胸前舌上定有
疔傷觀顯可知其隱又不可不詳也

腎屬水性就下而為陰故其位居於承漿地角之地痘出而
唇下光明知其液精充足雖多亦可無虞地角若形焦紫則

其腎源將竭痘瘡何以成膿再或兼之腰痛則爲腎敗無疑
雖治亦爲難救然不忍袖手旁觀法祇滋陰補血方發之初
內服解毒養血之劑喬芴歸芎元枝故仲爲佳更以川甲雄
黃爲引外剖生雞以敷腰痛其亦或者能療出齊其痘不振
用猪尾血與人參又加麝香少許痘將有水則純用內托補
腎之藥而不可以緩也但承漿有黑點陰中必有疔此又不
可不知也若諸部未靨而地角先收則腎竭源枯其死必矣
縱有良醫矣能救乎倘陰囊腫脹則腎毒外洩不至內攻有
生理也見此且莫慌張只宜力爲托毒收靨之後再解膀胱
之熱以加味四苓散加喬芴則其腫自退矣

肝屬木而居左左顙是其位也兩頰紅而左顙尤甚者則肝熱盛而可知法當清肝化毒且肝以藏血血不榮活皆由毒鬱肝經治此之法而鬆肝活血爲宜故芍藥丹皮必用而柴胡生地宜施再加紅花紫草兼用紫花地丁則兩顙界地自明至于痘生水泡皆因肝盛尅土脾土不能制水故使水不成膿是削肝又爲承漿之妙用也但肝來尅土又有瀉青之症故健脾方中加用白芍則肝斂而泄自安况肝木又生心火木盛而火愈炎故驚風顛癇雖出心經必伐木而心火乃平矧肝統筋脚而司眼目或手足牽引目睛上吊皆是肝經風熱治此又必平肝至于立方之化裁全在良醫之妙用必見

其症乃設其方不可膠固而不通也

肺屬金而居右右額是其位也兩額多而右額更密者則肺經
毒盛堪知但肺主皮毛毒雖盛而藏亦淺故兩額報點總無
凶機其見症也多在咽疼咳嗽治之之法祇宜鬆肌解表理
氣寬胸而桔梗陳皮芩連荆防為可用必痘盡出而咳漸減
痘起脹而嗽已除則毒不留于肺自是可以無虞若治之不
早至起脹而嗽愈甚則毒疑于肺勢必不可成漿迨至轉為
聲啞則肺氣將絕其症亦云莫救是又不可忽也若寒戰亦
屬肺經虛寒又宜詳辨六日以前寒戰其或熱盛唇紅必是
肺經熱甚投以清金解表之藥其症可以立除七日以後寒

戰則肺寒當補何疑此際急施桂附恐臟虛痘致顛危必寒退而肺乃安但肺宜清而不宜斂斂則腠理不通而毒何由宣化故未脹之時而五味柯子凡斂肺之藥不可先嘗若漿成之候恐肺虛易中風寒故炙芪諸品須秘腠以固肺關治法權衡斟酌清補須要因時始不至有悞也

脾屬土而居中元壽是其位也此間見黠百無一凶但脾乃榮衛之樞氣血賴其滋養百骸悉望分糧脾土堅強則毒不下陷且易成漿脾胃若敗則五臟立虛毒氣須臾伏陷症必至內攻然痘毒方出之時毒攻胃官雖吐亦非胃弱卽咬牙亦屬胃熱此際雖爲胃熱而石羔甘草恐敗胃亦不敢多投

異痘
凶吉

若或泄瀉毒奔騰治以安脾利水兼解毒四苓散得其宜假
如秘結脾燥雖酒製大黃微利然亦不可猛攻恐傷脾土之
元若灌膿之候純以健脾為主但木能尅土慮肝盛或致損
脾故健脾又要平肝更念土雖尅水然水壅而土亦崩又宜
疏通水道水洩而脾乃寧故止泄又當利水只有升水之時
白朮淮山莫用恐土燥而水不升將屬尤宜土旺補脾自是
良方前後治之得法用藥乃不差訛也

異痘類

怪

夫痘有吉凶症有生死吉者生而凶者死理固然也必先識其
吉凶乃敢決其生死論痘豈可差訛况有似吉而凶似凶而吉

者尤不可不詳而辨之使學者庶不誤也

天根痘 生

天根者諸痘不起惟天庭太陽起灌也蓋天庭乃諸陽之首此處若起則陽氣必旺將漸傳次而起十有九生陽氣爲痘根基天庭起者其根本固也故名天根而必生

天空痘 死

天空者諸痘雖起天庭曉星不起也此必其陽氣已虧不能直灌于陽會之處卽諸部起者必漸剝落而成空瘡故天庭不起十有九凶其餘諸痘悉是虛花故曰天空

明朗痘 生

明。明者諸痘不起而太陰太陽獨起也。蓋太陽太陰乃日月光華之地。二處灌漿則陰陽之血氣俱盛。故直達于日月高懸之所。日後諸痘豈至慘暗而不升。故曰明明而生。

明蝕痘 死

明蝕者諸痘雖起。惟太陰太陽不起也。日月當明而不明。猶如天狗之蝕矣。此處不明則氣血兩虧。故不能充灌乎陰陽聚精之位。其後諸痘安能運化而無虞乎。故以死而論也。

海溢痘 生

海溢者諸痘不起而耳後方圓一寸獨起也。蓋此處屬腎。名星宿海。此處升灌。故名海溢。海而充溢則腎經壯旺。精髓已足而

種痘書卷之三
血不虧故可治

海枯痘 死

海枯者諸痘俱起惟耳後方圓一寸不起也此處不起其腎已敗若不調元補腎後變唇裂齒崩之症則難救矣

有根痘 生

性

有根者地角方圓其痘起脹明潤如珠者十有十生蓋腎部明潤腎水足也腎爲人之根本故曰有根

無根痘 死

無根者諸痘雖好而地角之痘乾枯不灌及灰陷自陷者腎水

絕也不治

抱鼻痘

險

余遇是症未嘗不治

抱鼻者面部雖稀而鼻梁左右密如唇連者名爲抱鼻此毒于脾胃也其症甚險

單鎖口雙鎖口

危

鎖口者嘴角有黑痘一粒而獨大者名單鎖口兩嘴角俱有黑痘者名雙鎖口皆惡候也主不食而死見此須宜剔破令出惡血以拔疔散敷之或可救此毒凝于胃也

鎖項托頭

危

遍身俱稀惟頸項稠密絕無界地不分顆粒者名鎖項竟至于頤者名托頭主飲食不進聲啞而死証頸項爲陽道上升之要

樞毒疑于此則陽不能升焉有不死

猪頭痘 (險)

痘出而喉窩及頸窩甚多者名猪頸必至喉痛咽爛不進飲食而死急用 豆根 玄參 桔梗 甘草 生地 川芎 歸尾 木通 牛芎與服緩則毒結于喉必難治也

兩頭痘 (險)

自胸以上自臍以下俱有而中間一截全無者名兩頭痘此氣血不能貫通于上下而腰臍之間恐為寒毒凝滯也若不急治七日之後必變灰白之症矣見點時急用 生芪 當歸

赤芍 桔梗 防風 厚朴 續斷 白芷 山查 木通

入黃豆三十粒。服此中間有痘乃可無虞。

逆痘 生

上身絕少。下身絕多。或從下身先出。而升漿收結。俱從下身先行。此雖出於常數之外。其實無妨。

鬼捏痘 死

通身全無點粒。各處一片紅青。形若打傷之狀。擬爲鬼所傷也。故名鬼捏。此症七八日內必死。何用施治。

鬼痘 險

手足胸背俱多。而頭面全無者。其痘如鬼不敢現于陽道也。故名鬼痘。又日無頭痘。此氣血不能上升。故頭面絕無點粒。急于

柴胡味苦微寒無毒入肝胆二經惡皂莢畏藜蘆忌見火

主傷寒瘧疾寒熱往來嘔吐脇痛口

苦耳龍痰實結胸飲食積聚心中煩熱熱入血室自赤頭痛濕痺水脹肝勞骨蒸五疳羸熱

稟初春微寒之氣春氣生而升爲少陽胆經表藥胆爲清淨之腑其經在半表半裏不可汗不可吐不可下法當和解小柴胡湯是也邪結則有煩熱積聚等証邪散則自解矣肝爲春令至于升陽故陽氣下陷者不可缺主治多端不越乎肝胆之咎去水脹濕痺者風能勝濕也治勞與疳證乃銀州柴胡別爲一種按柴胡少陽經半表半裏之藥病在太陽者服之太早則引賊入門病在陰經者復用柴胡則重傷其表世俗不知柴胡之用每遇傷寒傳經未明以柴胡爲不汗不吐不下可以藏拙輒混用之殺命不可勝數矣勞証惟在肝經

紫草茸 人中黃 連喬 生刃 紅花 黃芩 連進數
服乃分顆粒其後加生芪白芷去人中黃紫草紅花黃芩等
藥其水漸升乃用參歸鹿茸湯加丁桂白芷白芍次加白朮
其漿乃足漿起之候竟似蛇皮落痂之際成片連皮而去遍
身如蛇退壳手足指甲無一不落毛髮悉皆脫換其症果蛇
皮也善以治之亦竟安全可見不治之症亦勿棄而不治也
但症遇惡烈藥必猛攻而遷延觀望豈能救乎

藥患痘 陰

初標紅潤至八九日忽變陷伏此必其人氣血虛弱而毒又盛
庸人見其初標明潤而玩忽不治當藥不藥故有此變或庸醫

審症未明。誤投藥餌。致有此變。皆爲患也。故名藥患。試觀此條。當顧名而思其義。慎勿潦草而治也。

九焦痘

死

天庭地角。右額左額。耳後胸背。手足九處。皆有一二點黑陷焦枯者。名九焦也。此臟腑皆滯留內毒。將漸遍身焦黑而死。誠不可治之症也。

伏陰痘

險危甚

痘不灑漿而瀉膿血。此毒氣陰伏于內而不升出于外。故名陰伏。十一日死。但痘方不振之際。七八日上。急用溫中內托。猶可救療。

空瘡痘

死然善治亦可救

痘雖肥滿內是乾枯全無血水乃空瘡也其痘硬者名鉄壳空瘡症至如是其必死矣此等之症其氣雖盛其血必虧或又前失于解毒致毒火內熾其血愈涸漿汁乃血之所化血去是空瘡

一兒出痘甚多體性又弱醫人不明氣血之理只謂保元湯乃治痘至穩之劑人參用去數錢其痘竟無漿汁請余往視余曰此空瘡也汝試以針刺之剔破之痘俱無血水其家大驚余曰無妨此氣有餘而血不足也人參可以不必乃用川芎

炙芪

八分

當歸身二錢

鹿茸二錢

白芍一錢

白芷

八分

大生地

三錢

牛旁八分。川甲四分。肉桂八分。連進二服。漿腳來矣。乃去牛子。而又以補血爲君。補氣爲臣。其漿乃足而愈。

石白痘 死

其痘四弦起而中落窩。雖明亮好看。內並無漿。以手摸之。其硬如石。形若石白。故名石白。此毒凝于表。血涸于中。不能運化。其症必死。不可治也。

菜莢痘 險

其痘不甚起脹。四弦起而中略陷。痘有亂紋于頂上。形若菜莢。名菜莢痘。其後必空漿倒陷而死。此毒盛而中氣又虛。故痘頂有紋而不尖圓也。

一兒出痘如此諸醫皆云難治請余往視見痘中間多有黑眼
余曰此毒凝而氣不能升其毒將入臟腑急爲解毒行氣猶爲
可救蓋此時祇六日也乃用 川芎六分升麻六分生芪錢赤芍八分
牛子錢連喬錢黃芩五分黃連四分虫退三分白芍六分甘草三分外以楊
柳水洗之連服數服其痘漸圓淨紋與黑眼俱無其後以補氣
爲君補血爲臣治之竟愈余治此症甚多其先必須解毒行氣
茱萸紋乃可除也

虫痘 險

蠅吮其汁而痘內生蛆故其痘瘥甚用針挑去蛆虫自愈或用
柳條連葉鋪于牀上令兒睡卧其蛆自出此亦毒火留于皮膚

故有此症猶之腐草生螢之義也

〔血痘〕〔死〕

初出血點其色紅紫七日之內斷其必死 又遍身如硃筆點者內根已腐外苗必萎無生理也

〔血泡痘〕〔險〕

滿泡通紅其內是血故名血泡此血熱毒熾不能運化以成漿故有此症急宜涼血清毒爲主用 生地 赤芍 紅花

紫草 丹皮 牛子 黃芩 白芷 弱者加人參 身熱加前胡

〔血癰痘〕又名珍珠痘 〔生而甚佳〕

痘出稀少四五日胖如黃豆七八日帶血而靨十白落痂如若
明珠故名珍珠痘此氣血充足而毒又稀故隨出隨結而不及
釀膿也此痘最佳百無一凶而且主貴

〔百漿痘〕

〔死〕

古以死論愚斷險也

初起發時瘡頭卽有白漿其後必成灰白痒塌而死蓋漿必由
脚而起乃爲順症此毒叅陽分而陰血不能運化故不久而卽
陷伏也但初起之際間有數點卽刺去其膿旋有此者又刺之
時時瞻顧不可怠玩內服千金散大補氣血而乃可無虞若徧
身如此則難治矣

四圍痘

〔死〕

其痘出後四圍又旋出小痘崇簇本痘者乃四圍也後必串成一痘而爲水泡不可治也。但此症僅見于手足者則無妨若遍身如此其死必矣。

漏痘 險 古人斷死

痘未成漿頂上有孔漏出汁水堆聚而結形若癩頭俗呼漏瘡。此因表虛不能養漿故不傷而自潰也。急宜補氣健脾固其肌肉乃可救也。若遍身俱潰則必死矣。須用人參、炙芪、當歸、官桂、川芎、白朮、白芷、炙草、丁香、淮山、加龍眼、蓮子同煎。

蛙痘 險

痘有小孔如針嘴大似虫蛙之眼故名蛙痘此腠理不秘乃有是症若不急治大泄元氣必成灰陷而死須用人參 炙芪 當歸 炙草 桂心 丁香 加荔枝為引必孔秘而痘乃起 脹行漿也

〔瑠璃痘〕 又名隱血痘 險甚危

痘雖光亮全無血色明若瑠璃略擦即破內俱清水而或出血總無膿漿此氣血不能運化毒氣而然也後必音啞而死痘若起脹見有此等急取其尤者而刺去其水再用實漿散 人參

黃芪 當歸 鹿茸 白朮 淮山 山查 扁豆 白芷

炙草 加黃豆四十九粒

赤萍紫萍白萍

皆死

痘出之後形若浮萍連片虛浮不分顆粒。又無起脹之勢。其色赤者名赤萍。紫者名紫萍。白者曰白萍。余見此症十無一生。不必施治。

草尾珠

生

遍身俱陷。惟尻骨一團飽滿潤澤。其明如珠。猶之草尾露珠也。故以是名。蓋尻爲腎部。此必腎強精髓充足。急用內托之劑。則遍身之痘旋復起矣。

黑痘

死

痘毒隨血而出。毒盛血熱之甚。故其痘乃黑也。此必死之症。古

方雖有數條總以涼血解毒爲主姑載于後以備參用。

初見黑點在皮膚之間者用硃砂冰片牛黃 或用猪尾血

調人牙散好酒同服。

初出點必黑者用紫草茸二三錢好酒調服。

又皮膚發青紫紋者用紫草一錢紅花京芥防風牛子生芪分

甘草三升麻五分木香三分

又黑痕併黑壓者用蟬退五个紫草茸一錢。

又黑如煤炭血不紅活者用紫草紅花生地牛子赤芍

又黑而軟者氣弱而血熱也用保元湯加紅花紫葢生地

又焦黑潮熱煩燥者用小無比散三加紫草生地紅花磨犀角

調服

氣血兩敗痘

死

近看猶如水蓼花遠望胭脂甚可誇臨漿清水無臆汁古聖名醫束手嗟

復出痘險

有等痘出甚稀。依然起幾收靨。究竟皮膚之內。有痘未出。靨後。頭下發毒而死。此皆元氣虛弱。不能送毒。故也。凡痘出稀者。須用擦子照之。若皮下隱隱有點。是痘未盡出。宜急用千金散。見方散。托出其痘。方可無虞。

雲翼子二十八般怪痘

丹雲繞頂

遍身痘俱好惟頭頂一片通紅也此虛火上炎故耳宜滋陰降火通利小便則火瀉下行矣

紫雲貫頂

遍身痘好但頭頂一片焦紫陷伏者不治此毒凝陽分陽氣莫升不久而皆陷伏也若不焦紫于枯而不起者則非此症蓋頭爲純陽足爲純陰凡痘之起脹必下至于足而頭乃行漿收靨亦然

烏紗覆頂

頭上一片其痘皆黑連皮膚俱有黑氣此元陽將脫陽血已死故不治也

梨花漫頭

頭上一片俱白陷此元陽虛弱故也急用保元湯加肉桂附子鹿茸川芎猶或可救

霞掩天庭。遍身之痘磊落光明。惟天庭一片。俱是血泡。連皮俱紅。此心經蘊蓄客熱。而故有是症也。急宜清心解熱。以犀角黃連麥冬連翹加猪心血與服。

紫萍鋪額。額上之痘形若紫萍。此心經熱毒之甚。其人悶亂不寧。若諸部痘好。宜用小無比散。十加玄參升麻犀角與之。或可以救。

烏紗蓋額。天庭額顙俱是黑痘。而兼黑氣。也不治。

灰撲印堂。印堂之痘有灰色也。此心經血虛所致。宜用千金散。方見九散篇。加猪心血與服。

紅紗拂面。滿面雖分顆粒。但點子紅若硃砂。人皆以為好痘。

和火系書 卷之五 十一
孰知此由血之太盛若不急治其紅將變紫矣速宜京血乃
能起脹成漿

楊花拂面 滿面之痘俱白而不振此氣血兩虧也宜用千金
散多用鹿茸加附子治之

赤珠繞唇 唇若塗珠而或硬裂此脾經熱盛故也治法宜清
脾胃之毒

烏飯沾唇 唇皆黑痘而或唇黑其必死也

霞錦穿胸 心胸一片痘無顆粒界地不明紅紫滿胸如霞如
錦此心經毒火散漫而不能收拾也不治

紫雲佈胸 其症略與上同但其色紫其死更速不治

黑棋排胸

胸前盡是黑痘死于三日之內

楊花飛胸

胸前盡是白痘全無紅暈脚地此心經血虧所致

失治則轉灰陷急用參歸鹿茸湯加猪心血治之

桃花映背

背上痘稠密而淡紅但其紅散漫界地不分此是

心經火毒未清也宜用元支白芍川芎丹皮紅花連喬麥冬

生芪甘草失治則不能成漿但如此者令宜側睡恐正

卧則背上之血不行也

紫萍浮背

背上之痘形若浮萍而色俱紫此毒盛滯于血分

而腎氣又不能送毒須用調元化毒湯去防風荆芥加猪尾

血如效可救不效必死

黑砂滿背

背上盡是黑點不治

雲鋪魚背

滿背青黑如雲。痘似魚鱗之布。此血氣已枯而毒

凝不化。決無生理。

赤鱗穿腹

腹上痘密如鱗。而色紅也。此脾胃經多火毒。宜清

胃退火。用人參白虎湯加丹皮生地治之。

黑蝦纏腹

腹上連皮及痘俱黑。必腹脹音啞而死。

白梨落地

痂薄而白。遍身痂痕盡無血色。此氣血兩敗也。急

用十全大補湯加鹿茸以救之。不然半月之後。必至發驚而

死矣。

葡萄落地

痘前痘後忽然片片青紫若葡萄者。兩日必死。

爛粟居蟹。遍身痘俱好，惟臀及鬚尾如粟之崇，臭爛難聞者。此下元虛也，宜大補湯以扶之。

榴花遍野。諸痘俱好，惟四肢紅紫而唇口如珠或硬裂者，乃脾肺二經熱甚也，宜用赤芍、生地、紫草、牛子、石羔、甘草、桂枝與服可解。

黑珠遍體。遍身之痘盡皆枯黑，四肢手足形若柴炭，命在且夕，不可用藥致人譏誚。

楊花發枝。諸痘俱好，惟手足灰白，蓋手足屬脾胃，是榮衛之血氣虛也，宜用人參、鹿茸、白朮、黃芪、丁香、附子、當歸、肉桂、桂枝、炙草，加煨薑引。

覓點辨症賦

痘初見點宜觀痘色榮枯。一來便覺粗肥稀疎。可必見點如還。
瑣屑稠密。堪知帶熱敷瘡。陸續出來。雖稠密猶爲可救。一齊湧
出。縱稀疎未必全生。細細白頭如麻子。乾枯便作內攻形。啾啾
紅點如一粟。焦萎定成憔悴勢。肥粗蓬頂似佳苗。而點子不紅。
終白陷皮薄頭尖。如美種菜莢紋起。定空漿肌嫩。則皮薄嬌紅。
黃瘦則痘成褐色。人黑皮粗。痘色必然慘暗。是故覓覓之肌肉。
不同。不可一例而斷。只要縱突有神。不喜煩紅。乾燥色潤。身清
見點如珠如粟。毛焦皮燥。敷瘡或紫或焦。雖然帶熱而出。亦恐
密似針頭。縱是陸續出來。尤忌形如蚕種。如麩也。如磨如疹。

如疥癩集不立脚地全無犯此數端皆云莫救點出如同蚊咬
惡烈勝似蛇傷一片紅苔鋪毡神醫也言不治况或螺雲電此
症孰是能醫未熱先敷數點俗名報痘若還熱久不敷此症便
作疔看先發塊而後敷瘡塊名痘母而必生先發瘡而後發塊
塊名鬼種而難痊避痘避于隱僻眼胞唇內定多凶悶痘悶于
要處胸心舌喉皆不吉順不畏多逆嫌一點冷疔先現諸痘安
敢張形賊痘若生諸痘豈能灌汁辨症若得真詳急宜剔破與
灯燒是以裏症未平痘雖出而毒猶在內透肌發散尤加解毒
爲良便調人身雖熱而毒已在表補兼發散仍以安表爲先
設使內外症平此候不須過治再觀勇怯審詳清補何如

熾之時而苗即見是不應出而出者皆為不順之症也雖然不
 應出而出其症固重若應出而不出其症亦不輕此時急宜詳
 審慎勿袖手旁觀倘不急治則點子不見毒在內攻須臾告變
 不可救矣嗟夫自古方書皆詳于已出之後畧于未出之前深
 言出而稠密之危不言留中不出之禍不知已出之毒外寇也
 未出之毒內寇也速出而稠密者外攻也留中而不出者內攻
 也內寇與外寇孰烈內攻與外攻孰甚故痘已出而死者必在
 旬日之外未出而死者必在六日之中此余所以長顧深慮諄
 諄為天下警也凡小兒發熱三四日而未見點者急用擦子照
 之其瘡隱于皮膚之間者歷歷可指辨其虛實寒熱而速治之

庶不致毒在內攻而速死也。

若皮下點子紅紫其人唇紅舌苔臍下腹痛煩悶咬牙目赤口臭者是毒氣壅盛滯于氣道不能出也急用升麻防風

川芎 虫退 牛子 連翹 黃芩 黃連 只壳 麥冬

桔梗 陳皮 紫草 甘草 山查 川甲 前胡

若皮下之點不甚紫而其人聲重鼻塞咳嗽惡風迷悶不醒膚起雞皮者是爲風邪所閉腠理不通故不能出也然此二症必以前失于表解身無微汗故有此症若爲風寒閉而不出者仍用前方加紫蘇去苓連弱者加生芪用薑葱引熱服服後以被蓋片時令有微汗痘卽見矣再或用推拿法以鬆其肌表而痘

利刃利書一
卷之三
三
目出矣

若皮下之點不甚紅潤唇淡倦卧二便清利手足冰冷目閉無
魂者是元氣虛弱不能送毒故不出也急用補中益氣湯

人參 當歸 生芪 白朮 升麻 柴胡 陳皮 甘草

若無人參須加官桂 鹿茸

大抵痘之所以不出者惟此三者詳審而善治之自無有不
出也

見點順症

熱至四日于耳目口腮元壽之處先見數點者吉或兩顴報點
者亦吉或面部未見而手足先見者尤吉此標從肝肺脾經

來也。惟手足元氣見者是。腮經發痘必主稀少。百無一凶。兩
顴來者是。肝肺二經發痘。雖多寡不同。究皆可治。是以俱爲
順症也。

報點之痘。肥大皮粗。堅硬碍手者。吉。此元氣旺而毒氣少也。必
主其痘稀疎。始終無事。

痘作三四次。出到五日後。手足方纔出齊。頭面胸背以及頸項
俱稀疎者。吉。蓋面爲五臟之府。頭乃諸陽所聚。兩處若稀。則
五臟不留毒氣。諸陽悉得上升。且頸項疎朗。則扼要之區不
截。胸背不密。則週身之血皆榮。各處稀疎。所以云吉。縱四肢
稠密。亦自無妨。

痘出遍身稀疎者上吉蓋痘少則毒稀其血氣必能運也故痘少之症百無一危

痘初出卽有起發之勢曰漸起脹頭頂圓淨皮又粗老堅硬結實摸之碍手此元氣充足故然也此等終無變症

痘初出卽紅活潤澤光明可愛摸之潤滑脚有紅暈而不散漫痘與肉色紅白分明者佳此榮血週充必能化毒起脹灌漿悉可無虞

痘見點後潮熱漸減雜症漸退飲食漸進吐瀉皆止至五六日上痘齊熱退雜症全無飲食如常精神清爽者吉蓋毒盡出干肌膚而不少留干臟腑也又安有他虞乎

以上數條俱爲順症。凡如此者。固喜出眉端。然亦要緊。風寒節飲食。避厭穢。慎起居。葷酒不可多與。藥餌不可妄投。蓋痘毒雖出肌膚。而臟熱未嘗盡退。氣血爲攻毒氣。陰陽未免不寧。東慮毒臨肌肉。表裏皆虛。此際若或不慎。而風寒穢氣所衝。毒反倒戈。內向若或妄施藥餌。又恐另生他症。以致輕變重。而順變逆者。深爲可太息也。余故不憚至再至三而叮嚀之。



一兒出痘。身熱已退。痘又稀疎。起居飲食已如無事之時。人人皆曰此順症也。不必服藥。余亦曰然。忽爲風寒穢氣所冲。身復大熱。結胸咳嗽。至于失聲。余以升麻前胡陳皮

桔梗 炒芩 連翹 防風 川甲 川芎 甘草 諸藥
與服此時已七日矣。連服二劑。至八日。遍身復出。痘甚稠密。
余將前痘置而不理。只以後痘為主。但理肺升提。又用陳皮
桔梗 牛子 川芎 前胡 川甲 紫草 白芍 山查
甘草 與服其後。痘升漿行。乃其嗽漸止。其聲漸開。而愈。此
亦可為不愼者鑒也。

一痘出潮熱方退。不可驟投辛熱。蓋火焰雖息。而餘燼猶存。一
遇燥烈。其火復炎。煩燥狂譫之症。不旋踵即至矣。

一後生出痘。至五日上。醫人見其熱退。悞投桂附。其人遂發狂
譫。口鼻出血。夜半請余往視。聞其房中狂叫寔甚。余取冷水

一。碗進房卽噴其面。其狂略定方得細觀。見痘雖淡紅而顆
粒。明。朗。知。爲。服。熱。所。致。乃。以。川。連。麥。冬。生。地。黃。芩。加。百。草。霜。
磨。犀。角。調。定。心。散。與。服。卽。愈。

一。見。點。之。後。毒。之。輕。者。其。熱。卽。退。毒。稍。重。者。熱。略。緩。而。不。退。也。
必。至。五。六。日。上。出。齊。其。熱。方。退。其。痘。若。好。雖。熱。無。妨。不。可。妄。
用。寒。涼。以。退。其。熱。恐。後。難。于。起。脹。也。

一。痘。方。出。三。四。日。上。手。足。冷。者。不。要。驚。慌。蓋。陽。氣。上。達。以。送。毒。
未。及。下。行。于。足。也。必。五。六。日。上。痘。將。出。齊。乃。溫。耳。

一。痘。未。出。齊。其。兒。不。食。此。是。胃。中。有。熱。故。不。食。也。不。可。認。爲。胃。
弱。而。投。煖。胃。之。藥。滯。其。毒。氣。貽。後。日。之。患。也。

痘主咽痛心窩之痘主煩悶凡耳後窩中頸項窩間有痘皆不吉。或痘出不拘何處有獨大異常者非賊痘卽痘疔也能閉通身痘毒俱速宜去之。

一兒出痘稀疎潮熱亦退。余見天庭有痘二顆其大異常。余曰此宜去之。其家不信。余言至次晚復來請余謂其兒潮熱復作煩燥驚譫痘皆變色。余往剔去其痘以藥敷之熱退人安。痘遂起脹勿謂此爲無害也。

至四日土痘一見點則毒氣將達皮膚此時熱宜漸退諸症亦當漸平若熱不少減宜用清解丸次服散化丸。

方見丸散篇

倘猶大熱煩渴悶亂不寧或點來瑣屑者其毒必重其痘必

多急進水藥一日須二三服以解毒湯爲主

方見初熱篇此

際速爲解毒痘或可減若怠忽視之則鋪毳蚕種紫黑乾枯之弊至矣蓋四五日內正宜解毒若宜清不清遲延數日痘成焦紫而又不敢用涼悔之作何及乎

至五日上頭面胸背俱宜出矣至此猶隱于皮膚之內欲出而

不出者謂之不快然痘出不快亦有數等或爲風寒所閱或

爲熱毒所壅或因元氣不足前已明辨其症而立其方矣又

有爲穢氣所冲而毒氣退縮痘出不快者其痘必痒急宜內

服平和湯以托毒解穢外以紅棗沉檀乳香燒烟薰之則穢

解而痘毒出矣古方用蒼朮全燒余謂痘貴潤澤而蒼朮去

濕以此薰之恐致干燥之弊。余故辨此以戒之。痘毒喜香而惡臭。喜清淨而惡污濁。一遇厭穢則毒退縮。紊亂于肌肉之間。後雖托出亦輕。症變重痘稀變多。余臨是症往往然也。可不慎乎。

平和湯

痘毒

人參 黃芪 當歸 川芎 白芍 各四分 防風 白芷 官桂

桔梗 沉香 乳香 檀香 藿香 生薑引

右方參芪歸芍補氣活血。以托毒。諸香解穢透肌。以達毒。除厭之藥。莫此為妙。

一夏月天炎暑氣所遏。痘出不快。以致煩渴者。用人參白虎湯。

或用五苓散 或神砂益元散用香薷煎水調服暑退而痘自出 凡小兒出痘之時痘毒達于皮膚宜熱氣透洩不可包裹太甚鬱其熱氣余嘗見恒仰臥者其背必多頸時靠母之腕者其項必密此皆氣血不行則毒必壅熱氣難洩則症必多之明驗也况覆蓋既秘則內熱蒸而外莫洩或致鼓動浮游之火而有夾丹夾癰之虞是又不可不知也

人參白虎湯

本方去人參卽白虎湯

人參

五分

石羔

四分

知母

一分

炙草

三分

加糯米一撮

五苓散

分陰陽利水道止熱瀉之良方也

白朮

赤苓

豬苓

澤瀉

官桂

木通

加于葛生薑引

神砂益元散

滑石飛過六兩甘草一兩神砂五錢余加車前木通牛子

丹治傷暑總宜利水蓋暑不可發亦不可下當從小便解瀉也

有因嚴寒冷氣所侵以致肌表不溫而痘出不快者其必皮膚

粟起時作戰吟用陳氏木香散或用五積散或麻黃桂枝湯

主之

陳氏木香散其為末量兒大小與之

木香 腹皮洗淨赤苓 前胡 青皮 法夏 丁香 柯肉

炙草各二錢肉桂一錢加紫蘇二錢

五積散

川芎 當歸 白芍 茯苓 人參 陳皮 蒼朮 厚朴

炙草 半夏 白芷 桔梗 加乾薑 肉桂 麻黃 薑葱引

麻黃桂枝湯

麻黃 桂枝 乾薑 炙草

或因以前勞力傷神以致元氣虛弱而出不快者宜用補中益氣湯加官桂與之

或因初出時吐瀉過甚以致脾胃虛弱而出不快者宜用理中湯若瀉未止加茯苓豆蔻柯子

人參 白朮 炙草 乾薑 加官桂

或因前有房勞以致腎虧而出不快者多有腰酸腰痛宜用

其主用多在皮膚其人正在土藏益脾主肌膚也即其利水兼能袪濕者與

决明子

味咸平無毒入肝經

青盲內障翳膜遮睛赤腫眶爛淚出羞明

此馬蹄决明以决能明目故得此名另有草决明石决明與之同功

而各爲一種石决明獨與雲母石相反

紫草

味苦寒無毒入心胞絡肝三經

涼血和血清解瘡瘍宜發痘疹通大小腸

按紫草涼而不疑爲痘家血熱之要藥但痘証極重脾胃過用則有

膠滑之虞

山慈姑

味甘辛平有小毒入胃經

癰疽疔毒酒煎服療癰瘡瘰癧醋拌塗治毒蛇狂犬

之傷傳粉滓斑點之面

花狀如燈籠而紅根狀如慈姑而白西陽雜俎云金燈之花與葉不

相見謂之無義草按寒涼之品不得過服

貫粟

味苦寒有毒人肝腎經皮毛剝結

殺蟲解毒化哽破癥瘕後崩淋金瘡鼻血

有毒而能解毒去痰而能生新然古方中不恒用之別名管仲豈音

相類耶抑爲其有雜霸之氣耶

狗脊

味苦平無毒入肝腎二經華蘼爲使

強筋最奇壯骨獨異男子腰脚軟疼女人關節

不利

狀如狗之脊故名狗脊以形得名也別名扶筋以功得名也

天名精

味甘辛寒無毒入肺經地黃爲使

下瘀血除結執定吐衄逐痰涎消癰毒止咽

爽殺疥蟲措膚癢可吐痰治瘡塗蟲螫蛇傷根名土牛膝功用相同子

名鶴羅專掌殺蟲

一名帳幕藍一名活鹿草外科要藥生搗汁服令人大吐大下亦能

止牙疼

按脾胃寒薄不渴易泄者勿用

山豆根

味苦寒無毒入心肺二經

主咽痛蟲毒消諸腫瘡瘍

又一兒痘出一半忽不能言語手足冰冷目閉無魂面青唇白
氣息俱涼。余曰此厥陰症也。一時無參且不能進藥仍用頂
方以雞敷臍之法連換四雞其痘乃齊其人方愈。

又一兒痘出甚稀潮熱亦退但其體性怯弱余見週身之痘未
上百顆此毒輕痘少何足介意且其家又貧遂未用補至十
日。上其痘將靨忽然咬牙寒戰乃用桂附理中湯連進二三
服其空地忽出小痘然時日已緩不能成漿後手足心胸俱
發癩毒反用去人參二三錢其兒又受餘毒之痛楚皆忽而
失補之過也可不慎乎。

觀形色而調治

夫痘毒之輕重氣血之虛實要皆畢著于痘瘡此由外可窺其內也痘既出見急宜觀痘之形察痘之色辨症立方速與調治預爲起脹之計也

痘色慘暗不明者是邪火壅于肌肉之間而血不榮活也宜用

加味升麻湯

宜人中黃亦甘草更妙

升麻 防風 牛蒡 連翹 赤芍 川芎 當歸 紅花

紫草 甘草 天庭暗加麥冬黃連 兩顴暗加丹皮黃芩

發熱一二日卽見標者曰火裏苗若不急退其熱則苗稿矣急用

清地退火湯

地骨皮 錢一 地膚子 八分 牛蒡 七分 柴胡 一錢 紫草 八分 連翹 八分

赤芍

紅花各六分

木通二分

虫退二分

次服去乾葛

二方用秦芫以酒洗淨然後煎水與服

痘出大熱不退一切紅紫乾枯界地不分者皆毒滯血熱所致若不治必忽然焦槁八九日間必腹脹氣喘痒塌而死故見此症即宜清毒活血以涼血解毒湯或大成散治之

涼血解毒

涼血解毒湯

湯

紫草

生地

赤芍

紫草

錢

生地八分

赤芍七分

紅花四分

防風三分

荆芥三分

黃連三分

牛蒡一分

錢

前胡

錢

木通五分

人中黃四分

天麻二分

丹皮八分

川芎三分

分

右方以生薑糯米引弱者加生芪人參

大凡毒盛血熱之症不敢用當歸鹿茸誤用則串成一片矣

大成散

川用酒炒甘草三錢雄黃各二錢麝香二分共爲末

右方最能攻毒出臟腑若痘出不快與出而不起潮熱不退者用此立効。怯弱者人參煎水調服。狂譫者麥冬、灯心、車前木通煎水調服。痘紅紫不起者紫草、紅花、赤芍、人中黃煎水調服。有虛寒泄瀉不敢用。

痘或一齊湧出大熱煩悶稠密難堪痘反形焦而色紫此皆熱毒猛烈而氣血凝滯不能拘攝毒氣外出以成膿也若不急治將變紫黑二陷決死于十二日間甚則斃于十日之內一見此症速宜活血調元透肌解毒宜用。

調元化毒湯 若無人中黃用甘草

生芪

錢一分人參五分

赤芍

當歸各八分

牛蒡

連喬各名

黃芩

黃連

俱炒各五分

防風

荆芥各三分

桔梗

木通各五分

前胡八分紫蘇

生地

各七分

紅花

人中黃各三分

虫退三分

山查一分

歲

右方以參芪補氣歸芍紅地活血喬芩苓連解毒防荆蟬桔疏風達表最爲穩妥 有嗽加陳皮花粉 實熱或四五日

內去參芪苓連亦當略減六七日來恐防荆散氣亦宜少減

或去之血熱者去當歸全要因時因症善於加減莫執成方

痘出稠密于紫不起身熱氣粗而譫亂驚搐時點額搖頭手足

牽引者此熱毒滯于臟腑故肝木動而生風心火炎而驚譫

也治宜祛風退熱透攻內臟之邪當用

烏金丸

得蚕酒洗

全蝎尾甘草

紫草 白附

麻黃

各五錢

川甲

五分

蟬退二錢加木通

桔梗

柴胡

石膏

白芍

犀角

各二錢五分

共為末另將紫草紅花各一兩以好酒一碗慢火熬煎酒至半碗乃去渣將酒入蜜共熬成膏滴水成珠為度和前藥作丸如龍眼大硃砂為衣量見大小與之

痘雖見點其毒鬱中壯熱煩渴唇口硬裂而痘紫黑不起者此由毒留脾胃治當內解脾胃之鬱外清肌肉之邪宜用

防風 白芷 紫草 甘草 紅花 生地 虫退 木通

川芎 赤芍等藥煎水調下小無比散治之

小無比散

滑石六兩 石膏一兩

煨

甘草

五錢

寒水石

煨過

鬱金

五錢

甘草水煎透焙干

右爲細末量見與服熱甚者加犀角磨水和前湯藥調此散服。黑陷不起者加川甲二分麝香五厘紫草煎湯調下。

痘初出有如雲霞突起紅丹遍佈者此浮游之火散漫于肌膚之間以邪而亂正治當涼血解肌以退邪火須用。

玄參升麻湯

玄參 升麻 甘草 加紅花 紫草 黃芩 荆芥

又痘有內黑外白者是毒凝于裏也當解裏毒用。

三黃湯

黃連 黃芩 炒支 加紅花 紫草 人中黃 川山甲

人參

又痘有內白外黑著是毒滯于表也當解肌毒而活血用

升麻湯

升麻 連翹 黃芩 乾葛 加紅花 紫草 赤芍

凡痘初出雖貴紅活然其紅也亦要明潤而鮮若紅而兼紫與黑者皆毒氣凝于血分以致痘瘡紫黑而成焦枯也總宜涼血解毒爲主失此不治必成黑陷速用涼血化毒湯

涼血化毒湯

其毒也。若不急治，則毒陷內攻，甚則死於六日之內。否則八
九日間，必變灰白，痒塌而死矣。一見此等，宜速用千金內托
散，以托毒出外，而後乃能起脹。

千金內托散

人參

五分

黃芪

六日前
生用

當歸

各一
錢

白芍

炒六
分

川芎

四
分

官桂

炙草

各三
分

山查

木香

厚朴

防風

白芷

桔梗

各三
分

薑棗引

又痘出雖稀，其痘與肉色無異，而根窠絕無紅暈者，此血虛而
氣亦不甚振也。宜用人參、黃芪、當歸、鹿茸、川芎、白芍。

又方用保元湯

人參

黃芪

加當歸

川芎

紫草

紅花

肉桂

防風

次燒乳香熏之以順血脈酒煎桂枝取汁一碗軟布浸收左搗搗右有
喝榻左服清陽湯秦羌升麻湯或三方合用外感加葱白

小便不利甲風小便不利不可以藥利之自汗則津液外亡小便自少
清熱止汗小便自行也

遺尿多屬氣虛宜麥耆湯少加益智頻頻啜之

多食風木盛則剋脾脾受剋求助於食當瀉肝理風以安脾

脾安則食自如常也

痰涎壅盛宜用吐法稀涎散或橘紅一片逆流水七碗煎至二碗頓服
白湯導之吐痰之聖藥也二陳湯星香散加竹瀝薑汁虛者六君子同

星香散脉沉伏無熱者三生飲加全蝎一個養正丹可以墜下痰鎮安

元氣肥人多中氣盛于外而歉于內也人肥必氣急而肺盛肺金剋

肝木故痰盛治法以理氣爲急

身痛中府者多身痛爲風氣所束經脈不和宜鍼彈丸虛寒者十味散

昏冒心神不足痰滯于心胞絡宜至寶丹或生黃清心丸

豫防中風寶鑑云凡大指次指麻木或不用者三年內有中風之患宜服愈風湯天麻丸薛立齋云豫防者當養氣血節飲食戒七情遠幃幙若服前方適所以招風取中也脈中風之脈每見沉伏亦以脈隨氣奔指下洪盛者浮遲者吉堅大急疾者凶浮大爲風浮遲爲寒浮數爲熱亦爲風大爲火滑爲痰

三生飲

治卒中昏冒口眼喎斜半身不遂痰氣上壅或六脈沉伏或浮盛者並宜服之但脫絕證見者不易治

南星

生用一兩

川烏

去皮生用五錢

生附子

五錢

木香

二錢五分

每服五錢水

二鍾薑厚片煎六分服

小續命湯

通治八風五痺痿厥等疾春夏加石羔知母黃芩秋冬加桂附芍藥

麻黃

去節

人參

去芦

初出之時。痘雖不紅而粗肥起頂者是氣至而血未至也。又不可一槩以血虛而論。至起脹時其脚自紅。又有痘出身涼不思飲食。痘色灰白吐乳瀉清手足厥冷。腹或脹痛者。此純陰之症。最爲危險。速用起死回生丹。或異攻散救之。

起死回生丹

丁香十粒 千薑一錢 水煎熱服。被蓋片時。令脾胃溫暖。陰退陽回。痘自紅活矣。若吐瀉不止。再用。

異攻散

人參 白朮 茯苓 當歸 陳皮 半夏 厚朴 木香

丁香 肉蔻 柯肉 官桂 炙草 加薑棗引

右方調陰陽救表裏治虛寒吐瀉灰白不起但非虛極不可輕用

凡痘初出形貴蒼實而厚勢宜起脹而堅若皮薄而不蒼厚痘軟而體不堅此皆毒在氣分或氣虛而不振也不急治之則必變爲灰白塌陷而或爲一包清水致潰爛不痂而死矣必于初出之時速以固陽散火湯治之

固陽散火湯

人參 黃芪 當歸 白朮 升麻 防風 連翹 木通 甘草

右方以參芪白朮補氣升防連喬入氣分疎通而解毒故氣旺不滯而毒得宣也。

以上諸症俱是虛寒然痘色白者亦非可以概例或有熱毒鬱結於中使氣血不能舒暢而痘色亦起眈白者必解毒活血其痘乃紅不然三日後漸變紫色而轉焦枯矣然此實熱似虛者痘色雖白其人唇紅舌苔煩悶不寧宜以調元化毒湯治之

方見前

若虛症既形而痘又白則必以補爲主

凡痘初出卽有起發之勢者是氣血不虧而不滯也雖毒盛稠密亦可以治只怕隱伏在皮膚之間摸不碍手則毒盛元虧是難療矣

大凡看痘須看面部。蓋面爲五臟精華所著。面上之痘若好。則臟氣充實。毒不內留。雖遍身稠密不起。亦可以治。

大凡痘至五六日上。痘已出齊。必要退熱。若熱不退。是可憂也。蓋毒猶在內而未盡出于肌膚也。若增大熱。更可憂。是毒中留。將爲內攻。其痘必爲焦枯也。

一痘出點來稠密。其天庭地角。雖然明朗。而兩顙甚秘。一片丹紅。不分界地。此毒在肝肺二經。是爲逆症。若不急治。則咳嗽失聲。瘵塌死矣。已未年建邑最多此症。余用前胡赤芍紫草。葶生地。丹皮。牛子。連喬。川芎。黃芩。黃連。木通。甘草。外用水柳草煎水。屢拭其面。其痘立即轉色。後普邑得外洗之法。此

內外交攻之義也。又或以胭脂米搗水搽于痘上，亦能解
活血，但更難于辨色耳。此皆屢試屢驗之方，不可忽而不用
也。

見點雜症

痘毒方發之初，凡風寒暑濕俱先毒氣而出，故發熱之初，雜症
甚多。若痘出齊，則餘邪盡退，襍症固當除矣。然亦或有未除者，
非餘邪爲亂，是痘毒爲殃也。治者當以治痘爲主，痘若起脹，諸
症又烏有子故。一切雜症俱詳于發熱之篇，而是篇祇數條耳。
驚搐譫語見點之後，亦常有之。此皆痘未出齊，熱毒內壅所致
也。痘若出齊，其症乃定，仍用鎮驚丸與定心散治之，古謂先

痘後驚爲凶者蓋以出齊後驚言也

腹痛前已辨明但有痛而發厥其痘出不快者用蟬退去翅足爲末每服一錢痘出自定有煩燥叫痛者用芍藥防風湯

白芍 陳皮 升麻 防風 桔梗 川芎 枳實 厚朴

牛子 有大便秘結而痛者用大黃化毒湯 白芍 二錢

厚朴 一錢 五分 陳皮 七分 大黃 二錢

嘔吐泄瀉最傷脾胃脾胃一虛必難起脹此際急宜詳辨虛實而調治之其方已詳初執篇

夾痧丹疹癰 正痘方出之時有夾痧夾丹夾疹夾癰而出者不可不辨癰則點稍大而不紅此皮膚素受風寒也宜用立

參升麻湯治之宜以玄參爲君藥

方見前

丹則其點甚紅

而小粒粒佈若丹砂此乃皮膚火毒也治當以解毒湯加玄參爲君疹卽麻也其毒發於六腑亦宜清毒活血其法詳後麻症卷但麻痘齊出宜先治麻蓋麻毒屬陽其火更烈速宜升提清解先祛麻毒以治其標然後乃扶痘以行漿收靨况麻症易于收成痘前又宜解毒七日以前善于解毒則二症並行亦不戾也癰則紅點隱于皮膚之間而不現耳

以上四者俱是浮游之火散于皮膚總以清解丸多加玄參一二服卽立退矣彼世愚夫愚婦不知此症疑皆是痘相顧驚慌醫者雖識此症不肯明言其故反謂其有刪痘之方以

聳一時之庸愚余深惡之故詳辨焉

夾水痘 水痘者亦在胎中其母飲食之毒或成胎而再交之
人也其毒不藏臟腑所以不致傷生依然潮熱起水其形與
痘無異但不灌膿亦無甚痂痂而易收結正痘未出或水
先出或水痘與正痘並出者但水痘易于起水正痘必如其
期有分辨耳正痘若好見有此等不必過慮特術家遇此則
謂吾能去惡痘而復出好痘甚可惡也

疥痘 痘中有紫黑乾硬暴脹獨大脚無紅暈者卽痘疥也痘
一疥能閉諸毒未齊有疥則諸痘不能出現既齊有疥則諸痘
不能起脹行漿時有疥則諸痘必致倒陷其爲禍也豈勝言

哉。故初出之時。見有紫黑獨大之點。悉其成疔。卽宜以銀針
刺破。吸盡黑血。然後以拔疔散。方見丸散篇敷其瘡口。次日

復看。若再硬脹。仍然刺破。以前藥敷之。必轉紅活。方可已也。
若針挑不動。手捻有核。則成疔矣。須用針從四邊剗開。以小
鉗鉗出其形。如疔有半寸許長。拔去其疔。仍以前藥敷滿瘡
口。乃可無虞。又手足四肢有痘。慘暗堅硬而甚痛。或外無
痘而內有核。作痛者。亦痘疔也。宜以艾火灸之。卽愈。或以燈
火烙之。亦效。若不急治。則其疔深陷。穿筋透髓。而爛見骨。甚
可畏也。又天庭有黑點。心窩舌上。必有疔。地角有黑點。陰
囊必有疔。兩顴有黑點。兩腋必有疔。準頭有黑點。四肢必有

疔此觀頭。可知其隱。又不可不詳也。又治法用巴豆一
个。去皮。硃砂一分。研爛。點入。一時即愈。

婦人出痘。稀疏。明潤。似為順症。但熱不退。已而明潤者。漸覺
慘暗。其人亦煩悶不寧矣。余詳觀面部。見地角一痘。紫黑。將
焦。乃命其夫察其陰中有痘疔否。未幾其夫出曰。陰戶之上。
果有黑痘一顆。其形甚大。余曰。是疔也。仍教其夫用銀針。剔
破。鉗出痘疔。以拔疔散敷之。其熱遂退。諸痘悉皆潤澤。起脹
而即愈矣。凡遇是症。不可忽也。

怪

一兒出痘。至六日上變症。請余往視。余造其廬。則言已斃。余觀
其痘。稀朗而起。乃自思曰。此非死症。胡為致死。又見諸痘根

脚猶紅心口微溫余曰此兒未死須解衣視之見心窩中有
一疔余遂與之剗鉗拔去其疔將獨參湯漸口灌下不一時
遂回陽而愈古謂逆痘一點遂致殺人者是痘疔也

痘初出三五成群聚成一簇者俗謂梅花痘其後必連串一
个不能成漿而爲水泡凡見此症惟四肢有者則亦無妨若
其遍身頭面多有此痘則不治矣

痘瘡入眼

痘出之時有眼紅而不敢開者是眼中有痘也任

其眼白黑珠有痘亦自無妨只用清肝丸

方見丸散篇

磨水

蒸出藥性又用胭脂水研爛入藥水中頻頻點入又以藥查
敷于眼上數日毒散痘收自不傷目卽用胭脂水點入亦可

小痘 痘之大者俗謂大痘小者名赤痘蓋以形而名也赤痘雖不甚起脹而尖圓可愛此乃毒稀之症故易齊易靨不如常期亦無恙也

余見有遍身之痘一齊湧出一齊起脹一齊收靨而無恙者然其痘自光明潤澤痘出熱退此氣血兩盛易于送毒故也

瀉痢 此皆熱毒下注大腸故有是症亦或值時疫所染而然也此時五六日上痘與痢症俱宜清毒活血用四物湯加苓連木香紅花木通則二症兼治矣此時若曾解毒至痘起壞用補亦不妨于痢也

怪

見黥逆症

凡痘初熱一日卽出者凶二日出者次之一齊湧出者不治此皆惡毒猛烈不由經絡斬開破壁而出故如是之速也此時急宜解毒涼血猛以治之若熱退毒清猶可救也不然必轉焦黑而死矣

凡痘于天庭方廣印堂承漿先見點者此痘出心腎二經此固毒叅陽位火臨水府再加天庭地角稠密慘暗則心腎受敗水火交傷如或唇紅目赤色白痰鳴則斷不治矣

痘已出後熱之遍復皆一遍者凶

凡痘密如蚕種或如釜中滾沸而無縫者不治

凡痘初出全不起頂形如燈燒湯泡者不治此氣血不和毒無

由化也九日後而斃

凡痘初出遍身之痘猶如蚊咬者不治此毒氣壅于肌肉不能
透出以成也必在十日內死

凡痘初出連肉通紅不分顆地形若紅毡者不治或以化毒
湯加紅花苓連紫草辰砂蘇木治之界地能分則可救否則
必死

凡痘稠密其根窠絕無紅暈或紅而散漫者不治此氣不能領
血而血又不能載毒也急以八珍湯治之若紅腫起頂或可
救

凡痘初出卽白與肉色無異久而不轉紅潤者不治

痘初出卽紫黑焦枯如乾疥瘡者不治。

凡痘初出卽頂陷中有黑點如針眼者不治。此毒入臟腑不出也。

凡痘初出卽含水珠皮薄易破者不治。

凡痘初出皮薄色光明若珊瑚雖然好看而根窠全無血色一二日間卽大如菘荳者決不灌漿必成一泡清水八九日擦破而死大補血氣或可救。

一痘先於舌起不脹忽現賊標光亮好着倏然而沒者不治。

一痘出而煩燥不寧腹仍痛口臭氣粗點來紫黑者死。

一痘初起發痛甚兼之標如蚕種煩悶不寧者五

六日間口唇青黑。或土生疔而死。

一痘出不似痘形。滿面血點如噴丹砂者。七八日內卽死。

一痘既出。行言如見鬼神。好飲冷水。點從腰上先出者。不治。

一痘初出。未見痘形。祇有紅斑如錦如霞者。急用玄參升麻湯。或犀角地黃湯。退之。若不能退。必死于六七日間。

犀角地黃湯

犀角

磨

生地

赤芍

丹皮

牛子

桔梗

升麻

玄參

防風

甘草

又有痘出。而或青。或黑。猶如痣者。或肌肉有成片青黑者。俱死。又有痘出稠密。唇崩裂。鼻爛發癢者。不治。此毒攻脾胃。太宜。

解利若下膿血不可救二

一痘出而舌捲囊縮者死

一痘初出卽有紫赤之點大如棗豆現于兩腋及腹上者此肝肺與脾皆中毒也不過三日遍身之痘俱紫黑而死

一痘既出後發無名腫毒者十有六死此毒氣不能洩之于瘡而故發此腫也較之餘毒發痘爲更烈耳

一痘既出而吐瀉不止蛔虫從口鼻大便滾滾而出者不治此脾胃已敗不能安也雖極力健脾亦難補救

一痘渾身發紫者必死

一痘出斜視若有正音用足聲者死

一痘出形如蚕壳，或如蛇皮者不治。或以芎歸均氣治之，若轉紅，治尚或可。救之不轉紅，則血虧已甚，斷不治也。

芎歸均氣飲

人參 當歸 川芎 赤芍 防風 荆芥 青皮 木香
官桂 麥冬 薑引

一痘初出數粒于山根之上，其色紫紅而紫者，以此氣弱不能主血，血與熱毒乘虛而犯上也。宜用涼血化毒飲主之。

涼血化毒飲

歸尾 生地 赤芍 木通 連翹 牛子 紅花 紫草
豆根

凡痘初出口中腥臭之氣勃七冲人者此肺中毒火熬煎肺將潰爛故也急以清金湯治之如遲不救必變失聲喘急而死

清金湯

知母 黃芩 石膏 桔梗 甘草 天冬 麥冬 兜鈴

木通 山枝 花粉

凡痘初出之時即含水泡或將起脹

漿或膿水未成忽

然收靨此皆毒火太甚失其自然之序不應至而至謂之六

過應至而不至謂之不及太過者毒之烈其法在于清毒不

及者毒之微其法在于扶元痘症雖多端總不外于寒熱

皆用溫涼若至毒傷臟腑其藥力所能

出形如蚕壳
後土逢症所以恒言不治也

苦尚

四